

文淵閣

四庫全書

影印

文淵閣四庫全書

第一三七七冊

北京出版集團公司
北京出版社

本冊目次

海岱會集	明 石存禮等撰……………一
經義模範	明 馮琦編……………一
文編(二)	明 不著編人……………七九
	明 唐順之編……………一〇一

欽定四庫全書

集部
海岱會集卷二

詳校官中書臣孫衡
侍讀臣孫球覆勘

總校官降調編修臣倉聖脉
校對官中書臣潘曾起
謄錄監生臣周敦復

欽定四庫全書

集部八

海岱會集目錄

總集類

卷一

古樂府六十三首

卷二

古樂府三十六首

卷三

五言古詩五十六首

欽定四庫全書

海岱會集
目錄

卷四

五言古詩二十六首

卷五

七言古詩三十三首

卷六

五言律詩三十九首

卷七

五言律詩三十四首

卷八

五言律詩四十首

卷九

五言排律四首

卷十

七言律詩七十二首

卷十一

五言絕句詩三十首

欽定四庫全書

海岱會集

目錄

卷十二

七言絕句詩三十八首

臣等謹案海岱會集十二卷明石存禮藍田

馮裕劉澄甫陳經黃卿劉淵甫楊應奎八人

倡和之詩也存禮字敬夫號來山益都人弘

治庚戌進士官至知府田字玉甫號北泉即

墨人嘉靖癸未進士官至御史裕字伯順號

閭山臨朐人正德戊辰進士官至按察司副

使澄甫字子靜號山泉壽光人正德戊辰進

士官至布政司叅議經字伯常號東渚益都

人正德甲戌進士官至兵部尚書卿字時庸

號海亭益都人正德戊辰進士官至布政司

叅政淵甫字子深號范泉澄甫之弟正德庚

午舉人應奎字文煥號澠谷益都人官至知

府嘉靖乙未丙申間經以禮部侍郎丁憂里

居田除名閒住淵甫未仕存禮等五人並致

欽定四庫全書

海岱會集

目錄

仕乃結詩社于北郭禪林後編輯所作成帙

冠以長至日五月五日九月九日上巳日七

月七日會集序五篇其詩凡古樂府二卷五

言古詩二卷七言古詩一卷五言律詩三卷

五言排律一卷七言律詩一卷五言絕句一

卷七言絕句一卷計詩四百七十九首其編

輯名氏原本未載惟卷首萬厯己亥魏允貞

序稱友人馮用韞以海岱會集自遠寄至則

出自臨朐馮氏家矣八人皆不以詩名而其
詩皆清雅可觀無三楊臺閣之習亦無七子
摹擬之弊其社約中有不許將會內詩詞傳
播違者有罰一條蓋山間林下自適性情不
復以文壇名譽為事故不隨風氣為轉移而
八人皆閒散之身自吟咏外無別事故互相
推誠自少疵類其斐然可誦良亦有由矣乾
隆四十六年二月恭校上

欽定四庫全書

海岱會集
目錄

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

海岱會集序

夫子曰先進於禮樂野人也後進於禮樂君子也如用
之則吾從先進舍君子從野人貞少日但耳解耳不知
其真也及壯而仕於朝游四方而老見諸食飲衣飾器
具拜揖稱謂間日新而月異一倡而羣和不知於野人
君子何歸至其發為詩若文彌工彌下彌奇彌可厭長
淫競靡標新示詭亂幾萌矣世安得治因念先進者當
不然友人馮用韞一日以海岱會集自遠寄至讀一再
而其對景言情即事屬辭質而葩逸而典清新而暢不
矯不艷異乎今君子詩矣豈古昔所稱香山洛下者流
與貞生也晚不及見其人而既聞其言矣不可知其人
乎因為之說曰禮者嘉之會也詩者樂之變也海岱會
集雖謂先進之禮樂可也後學者其審所從夫萬厯已
亥夏六月朔日後學魏允貞書

長至日海岱會集序

欽定四庫全書

海岱會集
原序

嘉靖乙未日南至於是石子藍子二劉子黃子楊子馮

子七子者相與會尋詩盟也厥旅維疏厥飲維醕厥詠

維詩賦疏上酒行顧瞻雲物諸子咸樂閭山子乃言曰

吾讀易至復未嘗不三復焉曰穆哉天地之化厥小大

往來之幾吾於是觀焉象曰雷在地中復復者復也於

時為陽反之象於人為徙之象諸子務日新者也乃今

復也諸子其焉復哉於是范泉子賦羣龍喜諸陽浸長

也閭山子曰有心乎致用也復哉復哉海亭子賦娛親

欽定四庫全書

海岱會集
原序

三

時歸養也將以厚志篤倫也敦乎復者也山泉子賦時

養時養者若時以自養也養靜以利動也養陰以厚陽

也以為政則昌以保身則強斯閉關之道乎來山子賦

考業曰吾樗散林麓二十餘年矣顧乃復事觚簡耶閭

山子曰復休哉澠谷子賦尚友中行獨復勇哉楊子北

泉子賦遠遊言不遠東海以景征也其朋來无咎者耶

閭山子乃賦倦飛曩者冥行罔覺動觸機畢不遠之復

吾愧未能也乃今得從諸君子遊以省吾過庶其免於

大悔乎詩成俾童子歌之婉而不媚壯而不激密而不

弇閎而不肆其聲和其律諧其氣大以昌洋洋乎若聆

黃鐘之音焉閭山子曰吾於復見天地之心吾於羣作

見諸子之心嘉靖十四年十一月之吉閭山馮裕序

五月五日海岱會集序

蓋聞百川學海羣山宗岱淳珍峙秀溜媚蘊輝瀛嶼風

高快鵬搏之九萬芝亭雲冷悵鶴駕之三千谿域無疆

乾坤有定寶藏興馬材幹殖馬懸黎垂棘火齊夜光鯤

欽定四庫全書

海岱會集
原序

三

鰲蛟鯨琳琅玕神草若木黃金丹砂蘭芷杜蘅梓枏

豫章連城照乘之貴凌霄合抱之良不能獨當也是以

磊落瓌琦光明俊偉之士產乎其間粵若二代監觀侈

周公之禮樂六經述作富孔氏之文章營丘建邦太公

鷹揚於東國即墨守土田單火縱於齊城魯連高蹈以

辭兼金玉蠲捐生用全畫邑鮑叔之深知思逾父母平

仲之久敬義重友生三士悲歌于梁甫兩生耻赴于藻

庭秉桴而知幾羨鴟夷之高致擁琴而適趨慕稷丘之

清風家家積隋侯之明珠人人抱荆山之璞玉古今為
盛俯仰興懷然而見賢思齊是為尚友登高作賦更有
諸公遂盍簪于蓮社特講信于難壇合志同方賞心樂
事乃若來山之清癯並閭山而挺秀北泉之浩博與范
泉以同流孤峯峭壁海亭仰之彌高幽壑平川澠谷探
之愈遠繆以山下出泉之蒙徒有河伯望洋之嘆三旬
投散竭一日之幽歡百年命車寓七人之上列登龍有
願附驥無能麗澤猶滯砥石安賴是月也時維仲夏律
應蕤賓日交月諸斗午參橫螳螂修斧伯勞發聲石榴
夕艷木槿朝榮乾道之變化也節嗜止欲避暑頌冰羞
桃烹鶯象德封功朱索驅厲寶符辟兵聖人之與能也
由是對時育物命侶呼童涓佳節際良辰攜桂酒雜椒
漿坐落花以開宴疊角粽以侑觴長風送暑搖輕箑而
御纖絺茂樹垂陰浮碧瓜而沉丹李芳草闌青擊水簾
於石澗蘭湯浴潔藉夏屋于雲門縷絳絲而繫臂趨吉
避凶進昌陽以引年安身利用孫登之草裳隱不嫌于

欽定四庫全書

海岱會集
原序

四

欽定四庫全書

海岱會集
原序

五

土窟羊茂之版榻貴不驕于專城仙侶神府日服玄冰
之九玉闕金宮夜聽秋霜之曲逍遙筦簫嘯傲山池弋
雲飛之高鳥釣波蕩之游鱗諸葛綸巾抱膝泰山之側
管寧皂帽晞髮遼海之陰某水某邱一觴一咏樂天知
命追古傷今用舍行藏尤增感慨形骸以外復誰可知
芝蘭在傍覺我形穢雲巖石室樂帝舜之薰風蓬島天
池沾皇明之化雨留連景暮邂逅詩成詞曰菖蒲萼綠
榴花紅火雲障日山庭空蘭漿桂酒歌薰風佳辰令節
心和同滄溟以西秦岱東羣公暇日忻相逢被髮酣暢
封禪亭拍手笑傲蓬萊宮行復滄溟波揚塵幾更秦岱
培塿平百年不渝金石盟子孫保之安無傾嘉靖十五
年五月初五日山泉劉澄甫序

九月九日海岱會集序

重九高秋日晶風淑麗澤諸友不速偕集一揖再茶坐
無雜言迺各出所著古賦樂府古今詩相請相遜相諗
評焉已迺進饌饌潔而無殺迺酌酒酒清而不多迺相

議擬再作之題于雅于著于取義者焉蓋相遜也歟然
相受也惘然相正也惛惛然相忘也怡怡然又作曰是
維五陰之候而月九者陽數也日又如月之數焉陽健
也昭也亨也君子用事重陽嫌陰也故重九之賞逝矣
出觀于茱萸曰藥之良也物至時而後茂者鮮矣再觀
于菊黃華沃若曰芳而不艷無競乎衆芳也何也暇而
合其離會而游于藝弛而歸于張禮也故仰觀于時以
勵志也俯感于物以興情也情志之慎詩之教也辭賦

欽定四庫全書

海岱會集
原序

六

樂府皆古之流也為其言而弗若其教者蕩也抑嘗讀
詩至板蕩諸篇悼其作者憂虞凜凜焉今吾優游容與
于文于晏也夫非荷一人之慶之溥乎仰日月而不負
其照臨雖在隱可也且古之君子歸于鄉也有為師為
望之責焉茲舉也或將式之或且瞻之為瞻可及也為
式則難矣言之弗畔之難也畔道而于已于人無弗蔽
也矣不敏獲從斯游教益幸多敢弗黽勉辱次授簡則
謹繹而有附焉嘉靖十五年秋九月九日海亭黃卿序

上巳日海岱會集序

齒德相兼願入芝蘭之室朱青異染期歸道義之場交
得其道則千里同心擇匪其人則同室反面谷風之誚
未免角弓之刺安逃古重素交有由然矣余取友于天
下獨有得於郡中非鄙流俗之濫實慕賢達之興斯會
也主會以長設饌有時酒惟暢懷詩各言志水陸之陳
有戒蔬茗之供得宜無絲竹之亂耳無恐懼之寘懷敢
矜長而諱短皆合志以推誠值上巳之辰屬良朋之約

欽定四庫全書

海岱會集
原序

七

夫上巳者和風甫動甘雨初晴衆卉含英修條逞綠競
遊溱洧之濱歷覽桑麻之野羽觴輕泛朱翠偶逢接軫
連鑣曾知市樂之穩旁瞻驚拜須仗蕭艾之功亦不過
快宴喜之私惜晷刻之運而已勢利相眩孰不知有此
樂哉矧我朋從潛消塵想升階叙坐分韻構思哀帶裁
冠更無拘束名山勝水皆合襟期喬松叢竹雖非曲水
之觀宿釀新茗頗類蘭亭之雅洋洋然而來欣欣然而
往衆稱佳會也文會固佳高人可數更須借諛俱有鄉

評石雖可轉來山臞體而雄心青出於藍北泉玉質而鐵面馮閭山之寬厚足比大馮黃海亭之通融可追叔

度號伯起為夫子即澠谷之明經或後或先相伯相仲

山泉賢者為兄范泉愚者為弟乃非晉世之龍徒羨河

東之鳳曰官而官曰家而家兄則有之矣萃集名時密

親故舊有其志而無人遇其人而無地迹亦萍水情實

鄉閭咸高材疾足之英適解綬投簪之日頗因文字深

寄衷腸尚友之會何如耶且公議莫掩良辰幾何近則

欽定四庫全書

海岱會集
原序

八

正之遠則宗之流麗者尚法流麗清新者尚究清新典
雅可求自知理趣溫厚能入尋造精純喜忘懷合道之
交有博物洽聞之助文章綴其枝葉德行樹乎根本屈
原輸忠揚雄頌莽咸奮舌而並作果匿瑕而同光若夫
辭金折節脫黨全孤郭有道之人倫東國董仲舒之正
誼西京曾專較其詞章姑指摘其心術君子入則篤行
出則友賢斯之謂歟規勸有益盟約自堅能學為正人
自發為正論寄身翰墨漸成篇籍豈坐雕蟲之名允為

海岱之會應命作叙長者各有述云嘉靖十五年三月初九日范泉劉淵甫序

七月七日海岱會集序

蘭亭蓮社風流遺百代之芳洛下香山矩度傳千年之美鄉約質淳儀式具在吟壇陶寫意例多嚴高蹤難擬繼軌遂尋世代固有後先人心可無今古盍簪載會斷金啟同心之利伐木詠詩麗澤求有益之朋稷下鴻儒素稱上智三齊人物夙號多賢矢書激義雄辨成家劍

欽定四庫全書

海岱會集
原序

九

閣登刻知孟陽之藻思雕龍書就見劉勰之博識三都不亞於兩京中論何愧乎中說舉此以槩其餘難鳩獨行大節源源有人經術文章紛紛多士慨我輩之生既晚耳先達之風未泯乃依雞壇之盟共赴文會之招假梵宇之遠塵資厥曠僻定蔬食之真味禁其繁文設茗飲以沃心飛羽觴而醉量歲叙孟秋時當七夕金祇司候火曜方流積雨收而涼颼生浮雲散而晴日出芳林添翠嘉穀增實瞻彼南山白鶴來駐歸然寶殿青鳥遙

臨方將矐腹內之書共約証河邊之駕凡我友耆並皆
佳妙篤行石奮探禹穴而寄跡多學藍尹捋虎鬚以厲
聲世襲衣冠之倭家傳身繡之英詩書故里閎閎名門
孝綽之聰穎元方難兄孝標之博達獻之佳弟可名雙
鳳亦是二龍持憲而淮晉草靡山泉嚴威把麾而揚粵
春生閭山慈惠馮唐難老黃霸多能每法叔度之汪度
涵洪愧無得意之加意賞鑒產同青土散處海鄉期月
一集不疏不數文言是讀無忤無求各據胸藏之奇庸

欽定四庫全書

海岱會集
原序

灑楮幅之麗作者之意情見乎詞醉翁之高志不在酒
雕蟲從事庶成書以成言撰述何勞蓋因文以見道千
里神交德星夜聚襟懷瀟散形迹不存意度優閒拘礙
何有數載奇逢一時良會高明耆舊俯就而切磋不忘
謏薄疎庸攀仰而驅策實賴四座馨香咳唾頓成于珠
玉廣筵雍穆談笑足驗乎經綸挽星斗於筆芒驅海濤
于硯底變態多端風雲極其聚散巧姿殊狀月露挹其
慘舒上瞻天漢之清淺細數烏鵲之飛翻入耳風鳴絃

管弄隔牕鳥語唱歌聲竹林七逸事清談而入醉鄉雁
塔羣仙矜曠蕩以臨花市豈若沉潛詩賦以養心是乃
吟咏性情而寄興擬藝苑之菁華叙藝倫之純旨手舞
足蹈真欲駕輕鴻以翱翔志同道合殆將挾飛仙而長
往律聽夜半之聲悟解琴中之趣論放逸不若東山語
繩束難擬獨樂實生世之佳致真斯文之要歸廢墜興
于不講豈是崇虛新奇舉于欠缺非為離俗澠溪雲窟
發潛曜以舒精西岱東溟吐靈氛而作氣盛集常茂流

欽定四庫全書

海岱會集
原序

芳彌遠大書濃染各各翻錄一通錦軸縹囊人人珍藏
十襲東壁燦輝輝之彩南箕避燦燦之光授簡有倫構
昧猥及含毫叙事荒穢何堪敬疏小引以冠羣玉嘉靖
十五年秋七月七日澠谷楊應奎序

欽定四庫全書

海岱會集卷一

古樂府

君馬黃

馮裕

君馬黃我馬駟馬不同色人一心前年聯鑣洛陽陌今

年共踏洋溪雪

前題

劉澄甫

君馬黃臣馬白君馬日立赤墀中臣馬行當雪山磧玉

欽定四庫全書

海岱會集卷一

勒嘶秋風凋弓抱明月十二閑中雲錦花三千里外寒

風沙香閨紅顏泣成血邊城白骨多如麻交河北流無

青草年年走馬交河道

有所思

黃卿

有所思思無狂獨居局戶意何飄揚五岳伊邇崑丘渺

茫愚公移山河伯望洋出入作息歲時田桑控馬以綏

止水芳塘蛛絲在簷蠶絲在房人生無羽翼思遠徒傍

徨

戰城南

馮裕

前歲戰在雲中今歲戰在遼東玉林塞南穹廬滿廣寧

城邊人烟空年年春草腓更綠不知征戰何時窮將軍

枕戈黃龍戍天子肝食甘泉宮憶昔犁庭絕漠北馬支

初連入中國邇來牧馬漸南侵河外三城收未得朝出

戰暮忘歸別新婚遠庭闈忠臣義士心所希但願黃金

印似斗寧辭白骨甘如飴

巫山高

黃卿

欽定四庫全書

海岱會集卷一

巫山高邈難量望望隔雲夢江漢有舟楫山深不可窮

珍壁與丹砂穴深虎豹叢田居有牖步有筇無泛洪波

兮無登奇峰

蜨蝶行

劉澄甫

春風蝶翩翩春社燕來舞相逢東園中參差桃李樹街

之哺新雛香魂託誰怙秋深蝶亦稀秋社燕忽去得失

無可問惆悵寒江雨

前緩聲歌

疾趨無穩步，猛漿無安流。風禽難比翼，湍鱗難縱遊。
人生適意耳，何為苦淹留。帳中越女歌，席上楚妃歎。
婉婉燕姬柔，裊裊秦娥紫。白日忽已匿，華鐙猶未息。
懼極將奈何，悲來淚霑臆。

前題

劉淵甫

高弦無細響，急水無迴波。息我忿悁心，聽彼從容歌。
宛曲蘭室幽，柔軟春風和。舒徐稱皓齒，轉換隨輕羅。
有短更有長，非少仍非多。淒清舞自憐，斷續今如何。
雖嘆霧

欽定四庫全書

海岱會集
卷一

中花難比燈，上蛾常使樂。有時一任朱顏酡。

董逃行

劉澄甫

一尺布千里草，兒童謠非不早長。樂火彫塢災天之道，
往復來允之墜邑之獄。終於盡有榮辱，一董滅一董生。
去長安營許京四寇去，仲英挂五馬來。孟德破魏公錫，
晉公繼作者誰了。不異福中禍，禍中福反掌間真倚伏。

前題

劉淵甫

杞人無事懷憂坦平之地，生丘補袞有具皆休都邑偶。

爾綴旒衣冠豈但含羞

鳴雞犬吠家家往，時爭競浮華火消沙散如麻。狂風振
樹驚鴉，兵鈴入手堪嗟。

廣廊大厦森然倚，憑氣焰薰天燕歌趙舞輕綫一朝事。
業變遷追思快日豐年。

穿石斷幹因循納基絕，胎正人往來却似避秦覆車之
戒。猶新禍兮與福為隣。

榮枯徒令我傷，須知本固根強移山之術。空忙幾見終

欽定四庫全書

海岱會集
卷一

日飛霜何如守分安常

西門行

馮裕

浮雲日夜行流水，赴東海。人生能幾何，容髮忽已改。
醜酒炙肥羊，瓠葉亦可采。及時召良朋，不樂復何待。

前題

黃卿

出西門望雲之岑，碩人在何許。言念勞我心，一解採藍
葉薦白華，擷去不盈把。欲濟河無涯，二解路逢游冶子。

招我以螺觥，芳醇羅嘉俎。欲留還不能，三解我行約屨

山塗阻渴下掬泉清且深上有梧桐如銅青欲取繫絲

徽黃金四解居常嫌擾擾浮世何所營願言慎服食綿

綿學無生五解

前題

楊應奎

索居思沉鬱西門聊躑躅顧景開逸懷尋樂散幽獨汨
汨陌上塵湛湛溝中綠長嘯登危峯濯纓臨碧流臂鷹
走黃犬繫馬醉青樓但知樂意洽寧復幾時休醇醪味
本甘肥牛炙亦美呼我所歡人解我心中擬不醉莫來

欽定四庫全書

海岱會集

五

歸厭厭猶不已人生七十稀所患常千百惜陰各有為
勞勞自成拍焚膏繼日晷兀兀髮已白洪厓與浮丘欣
欣難枯槁白日生羽翰紅顏常不老睠此血肉軀安得
復年少死生既有命富貴必由天黃金能聚散日月易
推遷財虜不解事空為人所憐

東門行

馮裕

戚戚困故里衣食不自謀拔劍欲出門妻子苦遮留云
不願富貴但願相對貧豈知男兒志四海區區離別何

足論

前題

黃卿

出東門茫茫夾巷通衢孰指適市廛多隱語目視流波
笑相測一解持粟易農器器少兵械多南山有鐵可採
無冶鐵奈何二解爾賈不我告實但會誕黠可知方不
用矩圓不用規酒醕不及止何為三解欲飴得藥汲水
成冰彼人笑傲予歸以平險阻密林悵何高深馬駕緩
行猱輕以升四解

欽定四庫全書

海岱會集

六

對酒

馮裕

對酒欲歌咏冬廬暮不寒外間擊壤叟邀賓共蔬盤讀
歌秋竹曲願賡甘棠篇叟謝止飲和曲良難三農隱憂
孰與為歡冬鮮霰雪恒晴而暎遺蝗伏隴宿麥垂乾願
言潔酒供醴紛拜龍祠雲壇今此下民災孽風伯雲師
豈其俯顧豫安余敢同無憂之華屋綺紈

又

對酒歌豐年年豐實堪樂東家釀新泰西舍儲舊醪南

隣鷗鷖孟北里鷗鷖杓時有杜康來且共淵明酌傾銀
而注玉何如瓦與礫烹羊及炙牛爭似蔡與藿倉箱喜
盈收場圃多刈獲晝無捕蛇役夜少豪吏索頌白遂安
飽黎黑免飢虐天子甚聖明宰府兼廟畧草木已喬
鷺飛魚自躍但寡旱蝗灾聊紓民瘼

碣石篇

黃卿

碣石復出陟彼壯觀羣山半沉澣渤浮天日光湧蕩鯨
鼉晏眠艦艘游汎渺渺澄漣海不揚波維國之正越裳

欽定四庫全書

海岱會集
卷一

七

肅慎來貢雍雍秦橋漢廟堙沒蕪墟彼碩垂釣悠哉樂
且

前題

劉淵甫

東臨碣石觀海如天深自有底寬亦有邊桂樹匿陰扶
桑出陽千變萬化海水如常

東海碣石觀海利多海賈貪求輕視風波利同害同藏
珍匿寶螭龍有珠得之更好

東海碣石觀海歎生一旦成田有時結冰積之歸墟泄

之尾閭欲保終身養之在初

東海碣石觀海深與古稱達人想不輕蹈海不揚波明
時建功壯年不勵白首難成

滿歌行

馮裕

百憂集我懷清酒滿金壘春風忽又到桃李參差開一
飲一盡醉不用主人催古來稱達道惟有漆園叟朝菌
齊大椿況復論好醜悠悠天地間盡是無何有

前題

劉澄甫

欽定四庫全書

海岱會集
卷一

八

傾樽對歌人生幾何日邁月征樂少愁多天缺西北地
漏東南盈虛消息矧爾人間磐石可透井溜可穿固亦
人力漸摩使然實土成丘涓滴成河積寡為衆匪由其
他舜禹在位巢許棲巖周公鷗徙接輿鳳騫彭聃為夭
顏冉為壽求仁得仁修短何咎生者如寄死者如休樂
天知命而復何憂

前題

黃卿

處世將擇安波翻山峻事故多端甘貧白首進退知難

仰天見星昏聚曉殘空懷不平髮怒衝冠忽忽非少壯
富貴不可求擊膺隱形巢父忘愁吾將為賓復稱許由
哲人逝矣將誰與儔趨炎惡涼遽爾飛騰重義輕利從
善如登毀譽在人中心兢兢泰否有時君子循常

關

想多傷董生下帷法彼修藏疏老散金任彼徜徉
可行可止切戒沽名嘆惜佳辰酒味歌聲無尤無怨
何辱何榮俯仰之間遣興舒情當風秉燭碌碌虛勞樂
不可極會見霜毛天長地久恬養為高

欽定四庫全書

海岱會集
卷一

公無渡河

劉澄甫

公乎公乎河水瀧瀧中有蛟龍得人則喜我心懔懔公
乎公乎河水悠悠下有神鰲噉人至骨我心懔懔公乎
公乎爾之游矣載沉載浮我之憂矣無梁無舟公乎公
乎腰錢胥溺利害綢繆剖珠自藏吾將何尤

獨漉篇

獨漉獨漉駟馬丹轂時運苟去馬斃車仆桃李不言下
自成蹊烏鳥莫辨誰知雄雌猛虎負隅徒搏何為蝮蛇

入手解腕已遲富貴可得執鞭當前貧賤可離脫屣何
難禍福靡定無乃自求怨天尤人君子不由陳母知廢
陵母知興俟命居易智者無名

前題

黃卿

獨漉波澤行潦漲渾波渾何傷客行無津翩翩白鷺泳
水不濡逐鷺逐獺無為爾虞确确者石河流滌之有美
一人其介如斯誰探古穴獲璧冠玉願言珍藏千金莫
贖豹虎近郭嬉遊縷縷壯士不刺磨劍何為暮雨魑魅
嘯見其吻雷轟霆擊吁為齏粉

欽定四庫全書

海岱會集
卷一

善哉行

劉澄甫

作偽日拙作德日休為善常樂為惡常憂禍福無端真
若循環有酒不飲空復長嘆上山采芝偶逢安期與棗
似瓜其甘如飴入海求仙忽見偃佺惠藥一粒其色如
丹自知歲短將可奈何慚無魯陽舉手揮戈日東月西
素髮叅差親友在門且慰須臾

君子行

馮裕

歧路異燕越素絲基玄黃君子慎顛末志士思鍼芒辭
輦恐嫌疑震主憂危亡鸞鳳化鴟鴞屠繒為侯王天道
尚反覆人事殊難量遺金豈足辨還牛仍自明磨刀不
見損砥石兩相傷啖服欲求飽身斃還為殃聖人絕思
慮元化直茫茫

飲馬長城窟行

劉澄甫

飲馬長城窟城邊多白骨征馬嘶不前戰士愁難越秦
皇築紫塞萬里空流血漢祖圍白登三軍困飢渴馬邑
欽定四庫全書
海岱會集
卷一
十一
夜蕭條龍沙風慘慄十去七不還一札九嘆息男兒誇
健少婦女哭嗚咽凱歌何時唱旄頭何日滅善守在四
方王者無奇烈

前題

黃卿

平溪清見底泛泛雙鴛鴦中流見羣鷺啄啄相頡頏佳
人呼征鴈嘹唳發三邊君子佐戎幕偏師逐右賢門前
風起塵塞上風揚沙昔時柳飛絮今時雪作花白草獸
駭奔中有龍種馬八尺蹄如銀駟駟不知價捉馬獻天

廢願君離塞下

前題

劉淵甫

長城築枯骨城下決寒流飲馬泉水深閉目遠天愁流
水何時竭苦戰何年休鞍上珊瑚鞭手中金絡頭風沙
慘漫漫鴻鴈鳴啾啾欲得家鄉書肯念征人不敢繫兒
女思止因父母憂丁寧閨中婦善為甘旨謀生當歸故
園死當葬故丘

艷歌行

劉澄甫

兩兩雲中鶴雙雙池上雁朝飛洞庭湄夕止天山畔奮
翻共雲霄唼藻同燕婉良匹影不孤宕子情欲斷雖寄
白頭吟自愛黃金館尺素書竟絕長門賦空歎本效孟
光潔不學文君琴心貞道苟合萬里即閨閉幽懷寫金
石惓然卧江漢

前題

黃卿

菀菀水邊樹茁茁條壘石間孀嫗攜兩女逶迤上墉墻亂
葉前迷路潦水跬步難貴家車如屋呼可共載還長娃